

भुवनसुंदरीकथाचां वर्णितानि सामुद्रिकशास्त्रकथितलक्षणानि ॥

• सं. विजयशीलचन्द्रसूरि

वि.सं. १७५मां नागेन्द्रकुलना आचार्य विजयसिंहसूरि६ ८९११ गाथाप्रमाण,
प्राकृतभाषाबद्ध भुवणसुंदरीकथा नामे अद्भुत कथाग्रन्थनी रचना करी छे. अद्यावधि
अप्रगट आ ग्रन्थ हाल मुद्रणाधीन छे. आ कथाग्रंथमां एक स्थळे कर्ताए मनुष्यनां
सामुद्रिक देहलक्षणोनुं रेचक-शास्त्रीय वर्णन कर्यु छे, ते अहीं आपवामां आवे
छे. संस्कृत भाषामां तो आ विषयना ग्रन्थो होय छे. प्राकृतमां आ विषयनुं भाग्ये
ज खेडाण थयु छे, तेथी आ संदर्भ रसिकजनोने रसप्रद बनशे तेवी आशाथी अन्ने
प्रकाशित करवामां आवे छे.

अस्सेयकोमलातले कमलोदगभे, लीणंगुलीरुइतंबनहेसु पण्ही ।

उण्हे सियविरहिए य निगूढगुफे, कुम्मुन्नए य चरणे वसुहाहिवस्स ॥१॥

परिवर्त्तसण्हेमार्हि वट्टजंघार्हि हुंति नसनाहा ।

करिकरसमाणऊरु भंसल-समजाणुणो पुरिसा ॥२॥

रेमेगेंग कूवए पत्थिवाणं, दो दो नेए बंभणाणं बुहेर्हि ।

ते नायव्वे दुत्थियाणं बहूणि, रेमा एवं पूह्या निंदिया य ॥३॥

तुच्छे होइ धणी अवच्चरहिओ जो थूललिंगो नरे ।

वामं वंकगए सुयत्थरहिओ अन्रत्थ पुतेसरे ।

दारिद्री अइलंबलिंगकहिओ लिंगे सिःसंगए

तुच्छावच्च-धणो हवेज्ज सुहिओ गंठिमि थूले नरे ॥४॥

कुसुमसमसुक्कांधा विन्रेया पत्थिवा न संदेहो ।

महुंगंधा य धणझ मच्छुंगंधा य बहुदुक्खा ॥५॥

तणुसुक्को बहुधूओ बहुसुक्को बहुसुओ नरे होइ ।

बहुसुरओ दीहाऊ इयरे तुच्छाउओ होइ ॥६॥

निस्सोअइ थूलफिओ मंडूयफिओ य होइ धणवंतो ।
सिंहकडी नरनाहो करहकडी य सदारिदो ॥७॥

समजठय धणवंता हस्सवक्रेहि भोयपरिहीणा ।
समकुच्छी भोयझा उत्रयकुच्छी य नरनाहो ॥८॥

जे विसमकुच्छिपुरिसा ते किर मायाविणो विणिद्वाँ ।
सप्पोदग दरिदा हवंति बहुभकखागा तहय ॥९॥

परिमंडलुन्नएण गंभीरेण च सुत्थिया होंति ।
तुच्छ-अदिस्स-अणुन्नाहीवलएण पुण दुहिया ॥१०॥

विसमबलिणो मणुस्सा अगम्मगामी य हुंति पावा य ।
समबलिणो पुण सुहिणो परदारपरम्मुहा होंति ॥११॥

पासेहि मउय-मंसल-पयकिखणावत्तरोमजुत्तेहि ।
हुंति नरामखइणो विवरीएहि च बहुदकखा ॥१२॥

आपीयउवचिएहि मञ्जनिमगेहि हुंति नरनाहा ।
दीहेहि चुच्चुएहि विसमेहि य हुंति धणहीणा ॥१३॥

हिययं समुन्नयं मंसलं च पिहुलं च होइ रयाण ।
विसमहियया दरिदा सत्थनिवाएहि य मरंति ॥१४॥

कंबुगीको रया महिसगीको य होइ रणसुहडो ।
लंबगीको य नरे बहुभकखी होइ पर्यईए ॥१५॥

पिटुमभग्गमरेमं पुहईनाहाण होइ विन्रेयं ।
अस्सेयण-पीणु-न्रय-सुयंधककखा य धत्राण ॥१६॥

विउले अव्वुच्छ्ने सुसिलिडे अंसए नरिदस्स ।
निर्मंसरोमनिच्छिए विसमे उण इयरलोयस्स ॥१७॥

कर्खिकरसरिसे वटे आजाणुपलंबिरे य पीणे य ।
रयाणं चिय बाहू इयराणं रोमसे हस्से ॥१८॥

गृहमणिबंधसुदिढा सम्मं सुसिलिद्वसंधिसंजुत्ता ।

हत्था नरनाहाणं विवरीया होंति इयरण ॥१९॥

हत्थंगुलिणो सरला चिरउसाणं हवंति सुकुमाराय ।

सण्हा मेहावीणं थूला परक्षम्मकारीण ॥२०॥

हुंति नहा दरसोणा अपुप्फिया अवणयंगभागाय ।

रयाणं इयरेर्सिं विवरीया होंति विन्रेया ॥२१॥

अइकिसदीहं चिकुयं अधणाणं मंसलं च सुपमाणं ।

रयाणं विन्रेयं अणुब्भडं संगयावयवं ॥२२॥

अहरेहिं अवक्षेहिं बिंबाकारोरेहिं हुंति रयाणो ।

फुडिय-विवन्नविखंडिय-रुंखेहिं य हुंति धणहीणा ॥२३॥

निद्धा पमाणदीहा तिक्खगगा हुंति सुंदरा दसणा ।

जीहा रत्ता दीहा लण्हा सरिसा य रयाण ॥२४॥

सोमं समुज्जलं अमलिणं च चंदोवमं नरिंदाणं ।

विवरीयमधन्नाणं होइ मुहं लक्खणविहीण ॥२५॥

निम्मंस-आयएहिं या रोमस-वित्तोरेहिं हुंति कन्नेहिं ।

रयाणो ससिरेहिं ह्रस्सेहिं य हुंति पावनय ॥२६॥

संपुत्र-समंसल-कूचरहियगंडेहिं नरवई हुंति ।

सरला य सण्हविवर्य समुन्नया नासिया धन्ना ॥२७॥

पउमदलदीहरेहिं रत्तंतेहिं च हुंति रयाणो ।

नयणेहिं पिंगलेहिं मज्जारसमेहिं कूरमणा ॥२८॥

अर्द्धिदुसमनिडाला रयाणो हुंति सयलमहिवलाए ।

धणहीणा विन्रेया पुरिसा जे विसमभालयला ॥२९॥

च्छत्तागारसिरा जे रयाणो हुंति नतिथ संदेहो ।

आकुंचिय-घण-निद्धा अफुडिया सुंदरा केसा ॥३०॥

एयं संखेवेण सामुह्यसत्थलक्खणाणुगर्यं ।
 कहियं कुमार ! तुह कोउएण, अन्रं पि निसुणेसु ॥३१॥

तिनि गहीरणि सया विउलाइ य हुंति तिनि वत्ताइ ।
 चत्तारि य रहस्याइं पंच य सुहुमाइं दीहाइं ॥३२॥

छच्चुन्नयाइं सत्त य आरत्ताइं च संपयमिपस्स ।
 गाहादुगस्स कमसो, विवरणमेयं निसामेह ॥३३॥

नाभी-सर-सत्ताइं य गंभीराइं च तिनि धन्नाइं ।
 वयणं उरं निडालं तिनि य विउलाइं संसंति ॥३४॥

पिटुं लिंगं जंघं गीवा चत्तारि होंति ह्रस्याइं ।
 केस-दसणंगुली-पब्ब-नहंतया पंच सुहुमाणि ॥३५॥

हणु-नयण-थणंतर-बाहू-नासिया होंति पंच दीहाइं ।
 रायाणं चिय बहुसो न उणो सामन्नपुरिसाण ॥३६॥

हियर्यं कक्खा-नह-नासिया य वयणं च कंधराबंधो ।
 इय हुंति उन्नयाइं कुमर ! पसत्थाइं छच्चेव ॥३७॥

नयणंत-पाय-कर-जीह-नहा-हयेद्वा
 तालू य हुंति सुहया इह सत्तरत्ता ।
 एयाणि जस्स नरनाह ! हवंति अंगे
 सल्लक्खणाणि पुरिसस्स स चक्रवट्टी ॥३८॥

अट्टसयं छन्नउई चउणसोइ य अंगुलपमाणं ।
 उत्तम-मञ्ज्ञम-हीणाण देहपमाणं मणुस्साण ॥३९॥